



Broj: 02-05-1421/18  
Lukavac, 13.07.2018. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6.tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015.godine, na Preporuku Komisije za provođenje postupka javne nabavke broj: 02-05-1421/18 od 12.07.2018. godine u otvorenom postupku javne nabavke radova za rekonstrukciju putnog pravca Devetak-Puračić, Općinski Načelnik d o n o s i

### **O D L U K U** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 02-05-1421/18 od 12.07.2018. godine i Ugovor za javnu nabavku radova za rekonstrukciju putnog pravca Devetak-Puračić, dodjeljuje se ponuđaču "HOLEX" d.o.o. Živinice, ponuda broj: T18/18 od 13.06.2018. godine i konačne rang liste nakon završene e-aukcije, za ponuđenu cijenu u vrijednosti od 64.268,00 KM bez PDV-a, kao najpovoljnijem ponuđaču.

#### **Član 2.**

Izabrani ponuđač dužan je nakon prijema odluke o izboru dostaviti **u roku od 7 (sedam) dana** originale ili ovjerene kopije dokaza o ispunjavanju uslova iz člana 45.stav (2) tačka od a) do d) Zakona o javnim nabavkama BiH, navedene u tački 12.2. od a) do d), originale ili ovjerene kopije dokaza traženih tačkom 13.2.5 i originale ili ovjerene kopije dokaza navedene u tački 13.3.4 tenderske dokumentacije broj: 02-05-1421/18.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor za javnu nabavku dodijeliti će se drugorangiranom ponuđaču u skladu sa članom 72. stav (3) Zakona o javnim nabavkama.

#### **Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

#### **Član 4.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-1420/18 od 23.05.2018. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 54.178,00 KM.

Obavještenje o nabavci broj: 719-1-3-27-3-40/18 objavljeno je na Portalu javnih nabavki dana 23.05.2018. godine.

Komisija za provođenje postupka nabavke imenovana Rješenjem broj: 02-05-1495/18 od 30.05.2018.godine dostavila je ugovornom organu-Općinskom Načelniku Zapisnik o pregledu i ocjeni ponuda broj: 02-05-1421/18 od 13.06.2018. godine, Zapisnik o pregledu i ocjeni ponuda broj: 02-05-1421/18 od 12.07.2018. godine, Preporuku o izboru najpovoljnijeg ponuđača broj: 02-05-1421/18 od 12.07.2018.godine i Izvještaj o radu broj: 02-05-1421/18 od 12.07.2018. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno tri ponude;
- da je blagovremeno primljeno tri ponude;
- da nije bilo neblagovremeno primljenih ponuda;
- da su ponude ponuđača S.E. „SARAJKA“ d.o.o. Živinice, "HOLEX" d.o.o. Živinice i "GEO-PUT" d.o.o. Maglaj kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 54.178,00 KM i da je kriterij za dodijelu ugovora najniža cijena. Nakon okončane e-aukcije, Komisija je utvrdila da vrijednost najniže ponude ponuđača "HOLEX" d.o.o. Živinice prelazi obezbijedena sredstva za predmetnu nabavku. Naime, za predmetnu nabavku obezbijedjen je iznos u vrijednosti od 54.178,00 KM bez PDV-a, a vrijednost najniže ponude nakon održane e-aukcije iznosi 64.268,00 KM bez PDV-a. Dana 10.07.2018. godine, Komisija se obratila Općinskom načelniku aktom broj: 02-05-1421/18 kojim traži saglasnost za povećanje budžeta u vrijednosti od 10.090,00 KM bez PDV-a.

Služba za urbanizam, prostorno planiranje i investicije aktom broj: 06-23-43-422/18 od 11.07.2018. godine dostavila je odgovor Komisiji u kojem stoji da su nedostajuća sredstva obezbijedena u Budžetu općine Lukavac za 2018. godinu na poziciji 821612-6. Rekonstrukcija cesta, od toga: nove investicije za 2018. godinu

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



**OPĆINSKI NAČELNIK**  
Dr. Sc. Edin Delić

**Dostaviti:**

1. S.E. „SARAJKA“ d.o.o. Živinice
2. "HOLEX" d.o.o. Živinice
3. "GEO-PUT" d.o.o. Maglaj
4. Evidenciji i
5. Arhivi.-